

清代名醫醫案大全

(二)

陸淵雷 校閱



Y.2

正文書局印行

清代名醫醫案大全

陸淵雷校閱

(二)

尤在涇先生

尤怡。字在涇。自號飼鶴山人。江蘇長洲人。少極貧。學醫於馬倣。倣負盛名。從游者甚衆。晚乃得怡。喜甚。謂其妻曰。吾今日得一人。勝得千萬人矣。怡與徐靈胎友善。治病多奇中。其學以喻嘉言爲宗。博極羣籍。尤服膺仲景之書。所著有傷寒論貫珠集。金匱心典。醫學讀書記。均刊行。

先生醫案。其附刻於讀書記後者。僅三十餘條。非全本也。此案爲江陰吳氏所鈔藏。咸豐兵燹後。柳寶詒於詹文橋張氏齋頭見之。假歸鈔錄。復就其中選精粹者。得十之五。柳氏謂此案論病則切理鑒心。源流俱澈。用藥則隨證化裁。活潑潑地。亦可見此案之價值矣。

柳寶詒。字穀孫。清澄江名醫。所著有素問說意。溫熱達源。癰痢達原。惜餘醫話等十二種。先生於溫熱。究研最深。學者細讀其開發幽微處。即可知先生有獨到之。其溫熱達原。尤論列精詳。已刊入三三醫書中。實復學之津梁也。

清代名醫醫案大全

第二冊

次目

張	趙	王	張	曹	吳	尤
仲	海	旭	千	仁	鞠	在
華	仙	高	里	伯	通	涇
醫	醫	醫	醫	醫	醫	醫
案	案	案	案	案	案	案

尤 在 涇 醫 案 目 錄

內傷	一
類中	四
痿痺	五
內風	六
神志	七
痰飲	八
欬喘	一〇
失血	三
虛損	六
汗病	七
諸郁	八

嘔嘔	九
伏氣	三
外感	三
溼病	三
瘧疾	三
黃疸	三
痺氣	三
腹痛	三
癰癤	三
腫脹	元

頭痛	三
諸痛	三
耳疾	三
脚氣	三
遺精	三
小便	三
泄瀉	三
大便	三
外瘍	三
胎產	三

尤在涇醫案

武進徐衡之編纂
嘉定姚若琴

江陰柳實詒穀孫評註
黟山李鴻庆園點

內傷

陰虧於下。陽浮於上。服八味丸不效者。以附子走竄。不能收納耳。宜加減法治之。

桂都氣丸

詒按、議論精細。可爲用藥者開一悟境。

腎精不足。肝火乘之。故有筋攣骨痠。耳竅二陰氣出等證。夫肝火宜泄。腎精宜闔。於一方之中。兼通補之法。庶幾合理。然非旦夕所能奏功也。

生地 川棟子 茯苓 阿膠 丹皮 女貞子

詒按、論病深中肯綮。方中可增白芍、牡蠣。

咯血脇痛。項下有核。脈數。惡熱。咽痛。便溏。此肝火乘脾之證。反能食者。脾求助於食。而又不能勝之。則痞耳。治在制肝益脾。

白芍 茯苓 川連 牡蠣 炙草 木瓜 益智 阿膠

詒按。論病明快。方中擬加丹、梔、夏枯草。

肝臟失調。侵脾則腹痛。侮肺則乾欬。病從內生。非外感客邪之比。是宜內和藏氣。不當外奪衛氣者也。但脈弱而數。形瘦色槁。上熱下寒。根本已漓。恐難全愈。

歸身 白芍 炙草 茯苓 桂枝 飴糖

詒按。此內補建中法。宜於腹痛。而不宜於乾欬。宜加清肝保肺之味。乃爲周匝。

真陽以腎爲宅。以陰爲妃。腎虛陰衰。則陽無偶而蕩矣。由是上炎。則頭耳口鼻爲病。下走。則膀胱二陰受傷。自春及秋。屢用滋養清利之劑。欲以養陰。而適以傷陽。不能治下。而反以戕中。內經所謂熱病未已。寒病復起者是。

也。鄙意擬以腎氣丸直走少陰。據其窟宅而招之。同聲相應。同氣相求之道也。所慮者。病深氣極。藥入不能制病。而反爲病所用。則有增劇耳。

腎氣丸

詒按、立論透切。醫案中僅見之作。

真陽氣弱。不榮於筋則陰縮。不固於裏則精出。不衛於表則汗泄。此三者每相因而見。其病在三陰之樞。非後世方法可治。古方八味丸專服久服。當有驗也。

八味丸

詒按、見識老到。議論明確。此爲可法可傳之作。

中氣虛寒。得冷則瀉。而又火升齒齕。古人所謂胸中聚集之殘火。腹內積久之沈寒也。此當溫補中氣。俾土厚則火自斂。

四君子湯 加益智仁 乾姜

詒按、以病立方。均本喻氏。近時黃坤載亦有此法。

類中

類中偏左。於法爲逆。猶幸病勢尙輕。可以緩圖取效。原方補少通多。最爲合理。惟是陽脈則緩。陰脈則急。所以指節屈不能伸。此亦病之關鍵處。不可忽也。經云。肝苦急。宜食甘以緩之。於前方中。增進陰藥以甘潤者一二。更爲美備。

人參 茯苓 半夏 白朮 炙草 桔紅 麥冬 竹瀝 薑汁

詒按、此六君加麥冬、竹瀝、薑汁也。

內風本皆陽氣之化。然非有餘也。乃二氣不主交合之故。今形寒跗冷。似宜補陽爲是。但景岳云。陽失陰而離者。非補陰無以攝旣散之元陽。此證有升無降。舌絳牽掣。瘡不出聲。足躄不堪行動。當與河間肝腎氣厥同例。參用丹溪虎潛法。

熟地 萸肉 牛膝 鎖陽 虎骨 龜版

詒按、特論明通。立方簡當。

方書每以左癱屬血虛。右癱屬氣虛。據述頻年已來。齒疼舌赤。常有精濁。納穀如昔。卒然右偏肢痿。舌強口喎。語蹇。脈浮數動。此乃肝腎兩虛。水不涵木。肝氣暴動。神必昏迷。河間所謂肝腎氣厥。舌瘖不語。足痺無力之證。但腎屬坎水。真陽內藏。宜溫以攝納。而肝藏相火內寄。又宜涼以清之。溫腎之方。參入涼肝。是爲複方之用。

地黄飲子 去桂 附 加天冬 阿膠

詒按、卽古法而化裁之。參詳脈證。斟酌盡善。

痿痺

脈虛而數。兩膝先軟後腫。不能屈伸。此溼熱乘陰氣之虛而下注。久則成鶴膝風矣。

生地 牛膝 茯苓 木瓜 丹皮 薏仁 山藥 萸肉 澤瀉 萆薢

治按、正虛着邪。故補散宜並用。溼而兼熱。故澀燥不可偏。此以六味治陰虛。增入牛膝、木瓜、薏仁、萆薢、以除溼熱。所謂虛實兼顧也。

內 風

眩運。嘔惡。胸滿。小便短而數。口中乾。水虧於下。風動於上。飲積於中。病非一端也。

羚羊角 細生地 鈎勾 天麻 茯苓 廣皮 半夏 竹茹

治按、病非一端。方卻打成一片。非熟於制方之義者不能。擬再增生牡蠣。

肝陽化風。逆行脾胃之分。胃液成痰。流走肝膽之絡。右腿麻痺。胸膈痞悶。所由來也。而風火性皆上行。故又有火升氣逆。鼻衄第證。此得之飢飽勞鬱。積久而成。非一朝一夕之故也。治法清肝之火。健脾之氣。亦非旦夕可圖已。

羚羊角 廣皮 天麻 甘草 枳實 半夏 茯苓 白朮 麥冬

詒按、持論明通。立方周匝。看似平淡無奇。實非老手不辦。亦當加入白芍。

此肝風挾痰上逆之證。肢冷自汗。有似陽脫。實非脫也。目與唇口牽引。時復歌笑。治宜先卻邪氣。而後養正。

羚羊角 白茯苓 竹茹 鬱金 半夏 甘草 鉤勾 橘紅

詒按、治法的當。時復歌笑。是心臟受邪之象。菖蒲、遠志、膽星、清心牛黃丸之類。均可選入。

神 志

驟爾觸驚。神出於舍。舍空痰入。神不得歸。是以有恍惚昏亂等證。治當逐痰。以安神藏。

半夏 膽星 鉤藤 竹茹 茯神 橘紅 黑梔 枳實

詒按、絞病如畫。此等方案。非有切實功夫者不能。所謂成如容易。卻艱辛也。

驚悸易泄。腰疼足軟。有似虛象。而實因痰火。蓋脈不弱數。形不枯瘁。未

可遽與補也。

半夏 炙草 秫米 橘紅 茯苓 竹茹 遠志 石薑蒲

詒按、此秫夏合溫膽加味也。認證既確。立方自然入轍。

驟驚恐懼。手足逆冷。少腹氣衝卽厥。陽縮汗出。下元素虧。收攝失司。宜乎助陽以鎮納。第消渴心悸。忽然腹中空洞。此風消肝厥。見象非桂附剛劑所宜。

炒黑杞子 舶茴香 當歸 紫石英 細辛 桂枝

詒按、風消肝厥之證。當於溫養中佐以滋陰。方中細辛一味。不識何意。愚意再加牛膝、白芍、牡蠣。

痰飲

秋冬欬嗽。春暖自安。是腎氣收納失司。陽不潛藏。致水液變化痰沫。隨氣射肺擾喉。喘欬不能臥息。入夜更重。清晨稍安。蓋痰飲乃水寒陰濁之邪。夜爲陰時。陽不用事。故重也。仲景云。飲病當以溫藥和之。金匱飲門。短氣倚

息一條。分外飲治脾。內飲治腎。二藏陰陽含蓄。自然潛藏固攝。當以腎氣丸方。減牛膝。肉桂。加骨脂。以斂精氣。若以他藥發越陽氣。恐有暴厥之慮矣。

腎氣丸 減牛膝 肉桂 加補骨脂

詒按。此案推闡病原。極其精鑿。

往昔壯年。久寓閩粵。南方陽氣易泄。中年以來。內聚痰飲。交冬背冷喘嗽。必吐痰沫。胸脘始爽。年逾六旬。惡寒喜暖。陽分之虛。亦所應爾。不宜搜逐攻劫。當養少陰腎藏。仿前輩水液化痰阻氣以致喘嗽之例。

腎氣丸 減牛膝 肉桂 加北五味 沉香

詒按。議論明確。立方亦極精當。

肝風與痰飲相搏。內壅藏府。外閉竅隧。以致不寐不飢。肢體麻痺。迄今經年。脈弱色悴。不攻則病不除。攻之則正益虛。最爲棘手。

鈞藤 菖蒲 刺蒺藜 遠志 竹瀝 郁金 胆星 天竺黃 另指迷茯苓丸臨臥服

詒按、病屬難治。而立方卻周匝平隱。非學有本原者。不能辦此。

肝陽因勞而化風。脾陰因滯而生痰。風痰相搏。上攻旁溢。是以昏運體痛等證見也。茲口膩不食。右關微滑。當先和養胃氣。蠲除痰飲。俟胃健能食。然後培養陰氣。未爲晚也。

半夏 秫米 麥冬 橘紅 茯苓

詒按、審察病機。以爲立方步伐。臨證者宜取法焉。

欬喘

風熱不解。襲入肺中。爲欬爲喘。日晡發熱。食少體倦。漸成虛損。頗難調治。勉擬錢氏阿膠散。冀其肺甯喘平。方可再商他治。

阿膠 茯苓 馬兜鈴 薏米 杏仁 炙草 糯米 芡實

再診 青蒿 丹皮 龍甲 茯苓 石斛 甘草 歸身 廣皮 白芍

詒按、此正虛而兼感外邪之證。乃內傷挾外感病也。

肺陰不足。肺熱有餘。欬則涕出。肌體惡風。此熱從竅泄。而氣不外護也。他藏雖有病。宜先治肺。

阿膠 貝母 沙參 馬兜鈴 杏仁 茯苓 炙草 糯米

詒按。此等證。虛實錯雜。若粗工爲之。或與疏散。或與補瀉。均足致損。

肺病以中氣健旺。能食便堅爲佳。茲喘欬已久。而大便易溲。能食難運。殊非所宜。診得脈象與前無異。但能節飲食。慎寒煖。猶可無虞。

沙參 貝母 炙草 杏仁 薏仁 橘紅 枇杷葉

又丸方、六味丸 加五味子 肉桂

詒按。不刊之論。讀者最宜記好。

脈細數促。是肝腎精血內耗。欬嗽必吐嘔清涎濁沫。此衝脈氣逆。自下及上。氣不收納。喘而汗出。根本先撥。藥難奏功。醫若見血爲熱。見嗽治肺。是速其凶矣。

人參 秋石製 熟地 五味子 紫衣胡桃

詒按、此難治之證。在欬嗽門中。亦別是一種也。

脈虛數。顴紅。聲低。欬甚吐食。晡時熱升。多煩躁。此肝腎陰虧。陽浮於上。精液變化痰沫。病已三年。是爲內損。非消痰治嗽可愈。固攝下焦。必須絕慾。以飲食如故。經年可望其愈。

都氣丸 加女貞子 枸杞子 天冬

詒按、用藥頗爲切實。

咽痛聲啞。有肺損肺閉之分。所謂金破不鳴。金實亦不鳴也。此證從外感風熱而來。當作閉治。溫補非宜。所慮者邪不外達而內併耳。

阿膠 杏仁 桔梗 貝母 牛蒡 元參 甘草 秫米 馬兜鈴

詒按、此錢氏補肺之類。乃虛實兼治之法。

久欬喘不得臥。顴赤。足冷。胸滿上氣。飢不能食。此肺實於上。腎虛於下。